

水經注卷十一



漢 桑 欽 撰

後魏 酈道元 注

易水 滌口

易水出涿郡故安縣閭鄉西山

易水出西山寬中谷東逕五大夫城南昔北平侯

王譚不同王莽之政子興生五子並避時亂隱居

此山故其舊居世以為五大夫城即此岳讚云五

王在中龐葛建績者也謝宋本作易水東左與

水經注 卷十一 一

子莊溪水合水北出子莊關南流逕五公城西屈

逕其城南五公猶王興之五子也光武即帝位封

為五侯元才北平侯益才安喜侯顯才蒲陰侯仲

才新市侯季才為唐侯所謂中山之五王也俗又

以五公名居矣二館之城二館謂樊於期澗曲泉

清山高林茂風煙披薄觸口怡情方外之士尚憑

依舊居取暢林木水口作其水東南入于易水易水

又右會女思谷水水出西南女思澗東北流注于

易謂之三會口易水又東屈關門城西南即燕之

朱云小語温
口只是不肯
不幽不肯不
深口

□云兼此當
稱三館矣

長城門也與樊石山水合水源西出廣昌鄉縣之
樊石山東流逕覆釜山下東流注于易水易水又
東歷燕之長城又東逕漸離城南蓋太子丹館高
漸離處也易水又東逕武陽南蓋易自寬中歷武
夫關東出是兼武水之稱故燕之下都擅武陽之
名左得濡水枝津故瀆武陽大城東南小城卽故
安縣之故城也漢文帝封丞相申屠嘉爲侯國城
東西二里南北一里半高誘云易水逕故安城南
外東流卽斯水也誘是涿人事明經證今水破城

水經注

卷十一

二

東南隅世又謂易水爲故安河武陽蓋燕昭王之
所城也東西二十里南北十七里故傅逮述遊賦
曰出北薊歷良鄉登金臺觀武陽兩城遼廓舊迹
冥芒蓋謂是處也易水東流而出於范陽

東過范陽縣南又東過容城縣南
易水逕出范陽縣故城秦末張耳陳餘爲陳勝畧
地命燕趙蒯通說之范陽先下是也漢景帝中元
三年封匈奴降王代爲侯國王莽之通順也易水
又東與濡水合出故安縣西北窮獨山南谷東流

□聞也

譚云廣運岡亦作罍或罍書之誤

與源泉水合水發北溪東西北注濡水濡水又□
 南逕樊於期館西是其授首於荆軻處也濡水又
 東南流逕荆軻館北昔燕丹納田生宋本之言尊
 軻上卿館之於此二城並廣一里許俱在罍當作
 阜之上上邪而下方濡水又東逕疑脫陽城西北
 舊竭濡水枝流南入城逕相冢西冢亘城側卽水
 塘也四周塋城深廣有若城焉其水側有數陵墳
 高壯望若青丘詢之古老訪之史籍並無文證以
 私情求之當是燕都之前故墳也或言燕之墳塋

水經注

卷十一

三

斯不然矣其水之故瀆南出屈而東轉又分爲二
 瀆一水東注金臺陂二水逕故安城西側城南注
 易水夾塘崇峻邃岸高深左右百步一釣臺叅差
 交踈宋本作峙迢遞相望更爲佳觀矣其一水東出金
 臺陂東西六七十步南北五十步側陂西北有釣
 臺高丈餘太平御覽引此云高十丈方可四十步陂北十餘步
 有金臺臺上東西八十許步南北如減高十餘丈
 昔慕容垂之爲范陽也戍之卽此臺北有蘭馬臺
 並悉高數丈秀峙相對翼臺左右水流經通長廡

廣宇周施浦渚浦埤宋按本御覽周旋被浦棟堵咸淪□

礎尙存是其基構可得而尋意欲圖還上京阻於

行旅造次不獲遂心訪諸耆舊咸言昭王禮賓廣

延方士至如郭隗樂毅之徒鄒衍劇辛之儔宦遊

歷說之民自遠而屆者多矣不欲令諸侯之客伺

隙燕邦故修連下都館之南垂言燕昭創之於前

子丹踵之於後故雕牆敗館尙傳鐫刻之名雖無

紀可憑察其古跡似符傳矣御覽作雖無經記可憑察其古跡似符宿

矣傳濡水自堰又東逕紫池堡西屈而北流又有渾

水經注 卷十一 四

塘溝水注之水出遼縣西遼漢地志本作迺白馬山南

溪中東南流入濡水濡水又東至塞口古纍石堰

水處也濡水舊枝分南入城東大陂陂方四里今

無水陂內有泉淵而不流際池北側俗謂聖女泉

濡水又東得白楊水口疑作出遼縣之西山白楊

嶺下東南流入濡水時人謂之虎眼泉也濡水東

合檀山水水出遼縣西北檀山西南南流與石泉

水會水出石泉固東南隅水廣二十許步深三丈

固在衆山之內平川之中四周絕澗阻水八丈有

□云固字奇
□□□之帶
□□□□□

鍾云不周正
映四周字
鍾云不周正
映四周字

朱云他注如
方嶺雲回奇
峯霞舉乃正
經敘法此云
騰雲冠峯高
□翼嶺乃倒

餘石高五丈石上赤土又高一丈四壁直立上廣
四十五步水之不周者路不容軌僅通人馬謂之
石泉固固上宿有白楊寺是白楊山神也寺側林
木交蔭叢柯隱景沙門釋法澄建刹於其上更爲
思玄之勝處也其水南流注于檀水故俗有并溝
之稱矣其水又東南流歷故安縣北而南注濡水
又東南流於容城縣西北大利亭東南合易水而
注巨馬水也故地理志曰故安縣閭鄉易水所出
至范陽入濡水闕駟亦言是矣又曰濡水合渠許

水經注

卷十一

五

慎曰濡水入深深渠

許氏說文云濡水出涿郡故安東入涿

二號卽

巨馬之異名然二易俱出一鄉同入濡水南濡北

易至涿郡范陽縣會北濡又並亂流入涑

古作當入涑疑當

作涑說文可據吳本改作涑

是則易水與諸水互攝通稱東逕

容成縣故城北渾濤東注至勃海平舒縣與易水

合闕駟曰涿郡西界代之易水而是水出代郡廣

昌縣東南郎山東北燕王仙臺東臺有三峯甚爲

崇峻騰雲冠峰高霞翼

岫壑冲深合

境看得一真作煙罩霧

耆舊言燕昭王求仙處其東謂之石虎罡范曄漢

□法此想一
開便覺勝前
句多許

朱云敘幽穴
冥杳如見
□云曲折盡
致

書云中山簡王之窆也厚其葬採涿郡山石以樹
墳瑩陵隧碑獸並出此山謂之石虎山山有所遺
二石虎後人因以名之東麓卽泉源所導也經
所謂閻鄉曲經文作閻
鄉西山其水東流有毖水南會渾
波同注俗謂之爲雹河司馬彪郡國志曰雹水出
故安縣世祖令耿況擊故安西山賊吳耐蠡符雹
上十餘營皆破之卽是水者也易水又東逕孔山
北山下有鍾乳穴穴出佳乳採者爇火尋路古本
作炒
沙一作入穴里許渡一水潛通流注其深可涉於中
水經注 ∧ 卷十一 六

衆穴奇分令出入者疑迷不知所趣每於疑路必
有歷記返者乃尋孔以自達矣上又有大孔壑達
洞開故以孔山爲名也其水又東逕西故安城其
南卽閻鄉城也歷逕荆陘北耆舊云燕丹餞荆軻
於此因而名焉世代已遠非所詳也遺名舊傳不
容不詮庶廣後人傳聞之聽易水又東流屈逕長
城西又東流南過武遂縣南新城縣北史記曰趙
將李牧伐燕取武遂方城是也俗又謂水爲武遂
津津北對長城門謂之分門史記趙世家云孝成

水經注

卷十一

七

十九年趙與燕易以龍兌汾門與燕燕以葛城武

陽與趙卽此也亦曰分水門原郡國志門誤今又謂

之梁門矣易水東分爲梁門陂易水又東梁門陂

水注之水上承易水於梁門東入長城東北入陂

陂水北接范陽陂陂在范陽城西十里方一十五

里俗亦謂之爲鹽臺陂陂水南通梁門淀方三里

淀水東南流出長注易水謂之范水易水自下有

范水通目又東逕范陽縣故城南卽應劭所謂范

水之陽也易水又逕樊輿縣故城北漢武帝元朔

五年封中山靖王子劉條爲侯國王莽更名握符

矣地理風俗記曰北新城縣東二十里有有或作

樊輿亭故縣也易水東逕容城縣故城南漢高帝

六年封趙將夕一作夜於深澤景帝中元三年以封

匈奴降王攜徐盧於容城皆爲侯國史記作唯徐

之改王莽更名深澤易水又東渥水注之其水上承

二陂於容城縣東南謂之大渥澱小渥澱水南流

注易水謂之渥同口水側有渾渥城易水逕其南

東合漣水故桑欽曰易水出北新城城北東入漣

□云作東字
□□□□□
文

自下漣易互受通稱矣易水又東逕易京南漢末
公孫瓚害劉虞於薊下時童謠云燕南垂趙北際
唯有此中可避世瓚以易地當之故自薊徙臨易
水謂之易京城在易城西四五里趙建武四年石
虎自遼西南達易京以京鄣至固令二萬人廢壤
之今者地壁夷平其樓基尙存猶高一匹餘小爾雅云
是二丈爲兩倍兩爲四丈爲一倍匹也 基上有井世名易京樓卽瓚
所堡也故瓚所與子書云袁氏之攻狀若鬼神衝
梯舞于樓上鼓角鳴于地中卽此樓也易水又東

水經注

卷十一

八

逕易縣故城南昔燕文公徙易卽此城也闕駟稱
太子丹遣荆軻刺秦王與賓客知謀者祖道于易
水上皆素衣冠送之於易水之上荆軻起爲壽歌
曰風蕭蕭兮易水寒壯士一去兮不復還高漸離
擊筑宋如意和之燕策史記俱無宋意事唯陶淵明詠荆軻詩云漸離擊悲筑宋
意唱高聲與此有之 爲壯聲士髮皆衝冠爲哀聲士皆流涕
疑於此也余按遺傳舊跡多在武陽似不錢此也
漢景帝中元三年封匈奴降王僕隹爲侯國也按漢

功臣表黜注音怛吳改作黥誤今正之

又東過安次縣南漢地理志今安次縣屬

易水逕縣南鄭縣故城北鄭縣在今任東至文安縣

與雩池合史記蘇秦曰燕長城以北易水以南正

謂此水也是以班固闕駟之徒咸以斯水謂之南

易

又東過束州縣南東入于海東州亦屬內古郡本在今

悞州

經書水之所歷泐次注海也

漣水出代郡靈丘縣高氏山氏山是海

水經注 卷十一 九

卽溫夷之水也出縣西北高氏山埤云溫夷山

經曰高氏之山漣水出焉東流經宋本注于河者也

其水東南流山上有石銘題言冀州北界故世謂

之石銘陁也其水又南逕侯塘侯塘川名也又東

合溫泉水水出西北暄谷其水溫熱若湯能愈百

疾故世謂之溫泉焉東南流逕興豆亭北亭在南

原上欹傾而不正故世以欹城目之東流注于漣

水又東泉水注之水導源莎泉南流水側有莎泉

亭東南入于漣水又東逕靈丘縣故城南水中自

源南注漉水應劭曰趙武靈王葬其東南二十里故縣氏之縣古屬代漢靈帝光和元年中山相臧

泉舊本作吳上請別屬也地理志曰靈丘之號在武靈

王之前矣又按司馬遷趙敬侯二年敗史記作九

齊於靈丘則名不因靈王事如漢注漉水自縣南

流入峽謂之隘門設隘於峽以譏禁行旅歷南山

高峰隱天深溪埽谷其水沿澗西轉逕御射臺南

臺在北阜上臺南有御射石碑南則秀藪分霄層

崖刺天積石之峻壁立直上車駕沿革沿革字末詳蓋言習

水經注

卷十一

十

射之事每出所遊藝焉漉水西流又南轉東屈逕北

海王詳之石碣南後魏書北海王名詳獻文皇帝

御所屈石柱北而南流者也

南過廣昌縣南宋本一作東南又過南廣昌縣南一作又南

漉水東逕嘉牙川川有一水南來注之水出恒山

北麓雖川三合逕嘉牙亭東而北流注于漉水水

之北山行即廣昌縣界漉水又東逕倒馬關關山

險隘是為□峭勢均詩人高岡之病良馬傳嶮之

行軒故關□□名焉關水出西南長溪下東北歷

□云采菊東籬下悠然見南山見字果勝望字水望澄明淵無潛甲望字却勝見字一以真一以活各有妙理

□云凡詩文景造微處山水真形時遊之此水未知能當此□否

關注漉漉水南山上起御坐於松園建祗洄於東圃東北二面岫鄣高深霞峰隱日水望澄明淵無潛甲行李所逕鮮不徘徊忘返矣

又東南過中山上曲陽縣北恒水從西來注之

漉水自倒馬關南流與大嶺水合水出山西南大嶺下東北流出峽峽右山則有祗洄精廬飛陸陵

山丹盤虹梁長津泛瀾縈帶其下東北流注于漉

漉水又屈而東合兩嶺溪水水出恒山北阜東北

流歷兩嶺間北嶺雖層陵雲舉猶不若南巒峭秀

水經注 卷十一 十一

自水南步遠峯石磴逶迤沿途九曲歷眺諸山咸

為劣矣抑亦羊腸邛來之類者也埤按華陽國志曰邛崃山本名

至邛崃山上凝冰夏結冬則劇寒齊宋通和路出其間

其水東北流注于漉水又東左合懸水水出山原

岫盤谷輕湍濬下分石飛懸水一匹有餘直灌山

際白波奮流自成潭渚其水東南流揚湍注于漉

漉水又東流歷山世謂是處為鴻頭疑即晉書地

道記所謂鴻上關者也關尉治北平而畫塞於望都東北去北平不遠兼縣上所拯也漉水於是左

納鴻上水水出西北近溪東南流注于瀛水也
又東過唐縣南

瀛水又東逕左人城南應劭曰中人城西北四十

里亦或謂之為唐水也水出中山城之西如宋本無

字北城內有小山在城西側水銳上若委粟焉疑

譚云如往也此注獨用此字注後有北如西北而如東南如東皆相類應宋本反脫耳

即地道記所云望都縣有委粟關也俗以山在邑

中故亦謂之中山城以城中有山之目因復謂之

為廣唐城也故中山記以為中人城又以為鼓聚

殊為乖謬矣言城中有山故曰中人山也中山郡

水經注

卷十一

十二

治京相璠曰今中山望都西二十里有故中人城

望都城東有一城名堯始城本無中山之傳璠或

以為中人所未詳也中山記所言中人者城東去

望都故城一十餘里二十里則滅但苦其不東觀

矣異說咸為爽矣今此城於盧奴城北如西六十

里城之西北泉源所導西逕糧山孫云當北郎唐

音讀近實兼唐水之西流歷左人亭注瀛水又

東左會一水水出中山城北郎中阜下亦謂之唐

水也然於城非西在疑作又名之為雹水又兼二

□云以望都
□中人取□
□西相望
遠近有異謂
於中義或爽
□云沮苦其
不東□耳伯
以其不矣三
□有脫誤未
□詳耳

名焉西南流入滹並所未詳蓋傳疑耳滹水又東恒水從西來注之自下滹水兼納恒川之通稱焉卽禹貢所謂恒衛旣從也滹水又東右苞馬溺水水出上曲陽城東北馬溺水東北流逕伏亭晉書地道記曰望都縣有馬溺關中山記曰八渡馬溺是山曲要害之地一一關勢帶接疑斯城卽是關尉宿洽異目之來非所詳矣馬溺水又東流注于滹滹水又東逕中人亭南春秋左傳昭公十三年晉荀吳率師侵鮮虞及中人大獲而歸者也滹水

水經注

卷十一

十三

又東逕京丘北世謂之京南對漢頃王陵滹水北對君子岸岸上有哀王子憲王陵坎下有泉源積水亦曰泉上岸滹水又東逕白土北南卽靖王子康王陵三墳並列者是矣滹水又東逕樂羊城北史記稱魏文侯使樂羊滅中山蓋其故城中山所造也故城得其名滹水又東逕唐縣故城南北二城俱在滹水之陽故曰滹水逕其東城西又有一水導源盧奴縣之西北是城西平城之地東湧而出俗亦謂之爲唐水也東流至唐城西北隅竭而

譚云云三墳
口哀王在內
矣後文亦有
證

□云取字古
杜陵云微徑
不復取實有
所本

為湖俗謂之唐池蓮荷被水勝遊多萃其上信為
嬉處也其水南入小溝下注漉水自上歷下通禪

唐川之兼稱焉應劭地理風俗記曰唐縣西四十

里得中人亭今於此城取中人鄉則四十也郡國志

縣有中人亭注引博物記云唐關在唐水在西北

入漉與應符合又言堯山者在南則無山以擬之

為非也闕駟十三州志曰山治盧奴唐縣故域當作

城在國北七十五里駟所說此則非也史記曰帝

嚳氏没帝堯氏作始封於唐望都縣在南今此城

水經注

卷十一

十四

南對盧奴故城自外無城以應之考古今知疑今作

事義全違俗名望都故城則八十許里距中山城

則七十里驗途推邑宜為唐城城北去山五里與

七十五里之說相符然則俗謂之都香山即是堯

山在唐東北望都界皇南謚曰堯山一名豆山今

山於城北而如東嶄絕孤峙唐牙桀立唐牙當山

南有堯廟是即堯所登之山者也地理志曰堯山

在南今考此城之南又無山以應之是故先後論

者咸以地理之說為失又即俗說以唐城為望都

城者自北無城以擬之假復有之途程紆疑脫一

山河之狀全乖古證傳為踈罔是城西北豆山西

足有一泉源東北流逕豆山下合蘇水亂流轉注

東入滄是豈唐水乎所未詳也又於是城之南如

東一十餘里有一城俗謂之高昌縣城或望都之

故城也故縣目曰望都縣在唐南昌當作高昌南皇甫

謐曰相去五十里稽諸城地猶十五里蓋書誤耳

此城之東有山孤峙世以山不連陵名之曰孤山

孤都聲相近疑即所謂都山也帝王世紀曰堯母

水經注 卷十一 十五

□□前皆疑
□□始□明

慶都所居張晏曰堯山在北堯母慶都山在南登

堯山見都山故望都縣以為名也唐亦中山城也

為武公之國周同姓其後桓公不恤國政周王問

太史餘曰今之諸侯孰先亡乎對曰天生民而令

有別所以異禽獸也今中山淫昏康樂逞慾無度

其先亡矣後二年果滅魏文侯以封太子擊也漢

高祖立中山郡景帝三年為侯國王莽之常山也

魏皇始二年破中山立安州天興三年改曰定州

治水南盧奴縣之故城周之衰也國有赤狄之難

譚云水黑曰
盧不流曰奴
山不連陵名
之曰孤

譚云寫興廢
之狀如在目
前

水經注

卷十一

十六

齊桓霸諸侯疆理邑土遣管仲攘戎狄築城以固
 之地理志曰盧水出北平疑為踈闕駟應劭之
 徒咸亦謂是矣余按盧奴城內西北隅有水淵而
 不流南北一百步東西百餘步水色正黑俗名曰
 黑水池或云黑水口當作盧不流曰奴後漢書紀注引此注
云水黑曰奴故城北藉水以取名矣池水東北際
 水有漢王故宮處臺殿觀榭皆上國之制簡王尊
 貴壯麗有加始築兩宮開四門穿城北一作北城累石
 竇通涿唐水流于城中造魚池釣臺戲馬之觀歲
 久頽毀遺基尚存今悉加上疑作土為剝利靈圖池
 之四周民居駢比填徧穢陋而泉源不絕暨趙石
 建武七年遣北中郎將始築小城興起北榭立宮
 造殿後燕因其故宮建都中山小城之南更築隔
 城興復宮觀今府榭猶傳故制昔耿昭伯耿弇字歸
 世祖於此處也滹水之右盧謝云宋本下同水注之上
 承城內慮水池自漠又燕涿滹水逕石竇石竇既
 毀池道亦絕水潛流出城潭積微一作微漲渭埤字云
誤宋本作涓然細也其潛水東北注于滹滹水又東逕

漢哀王陵北冢有二墳故世謂之兩女陵非也哀王是靖王之孫康王之子也滄水又東右會長星溝溝在上曲陽縣西北長星渚渚水東流又合洛光水水出洛光涓東入長星水亂流東逕恒山下廟北漢末喪亂山道不通此舊有下階神殿中世以來歲書法族焉晉魏改有東西二廟廟前有碑闕壇場相列焉其水東逕上曲陽縣故城北本岳牧朝宿之邑也古者天子巡狩常以歲十一月至于北岳侯伯皆有湯沐邑以自齋潔周昭王南征

水經注

卷十一

十七

不還巡狩禮廢邑郭仍存秦罷井田因以立縣縣在山曲之陽是曰曲陽有下故此爲上矣王莽之常山亭也又東南流胡泉水注之受胡泉逕上曲陽縣南又東逕平樂亭北左會長星川東南逕盧奴城南又東北川渠之左有張氏墓冢有漢上谷太守議郎張平仲碑光和中立川渠又東北合滄水水有窮通不常津注

又東逕安喜縣南

□故安險也其地臨嶮有井塗之難漢武帝元朔

譚云以嶮得
安因安成喜

五年封中山靖王子劉應爲侯國王莽更名寧嶮
漢章帝改曰安喜中山記曰縣在唐水之西山高
岸嶮故曰安嶮邑豐民安改曰安喜秦氏建元中
唐水汎長宋本作漲高岸崩頽城角之下有大積木交
橫如梁柱焉後燕之初此木尙在未知所從余考
記稽疑蓋城池當初山水湍盪漂淪巨楫阜積於
斯沙息壤加以城池謝云宋本作地板築旣興物固
能久耳滄水又東逕鄉城北有舊盧奴之鄉也中
山記曰盧奴有三鄉斯其一焉後隸安喜城郭南

水經注

卷十一

十八

有漢朝時孝子王立碑

又東過安國縣北

滄水歷縣東分爲二水一水枝分東南流逕解瀆
亭南漢順帝陽嘉元年封河間孝王子淑於解瀆
亭爲侯國孫宏卽靈帝也又東南逕任丘城南又
東南逕安郭亭南漢武帝元朔五年封中山靖王
子劉傳富爲侯國其水又東南流入于平池宋本作滹

沱滄水又東北流逕解瀆亭北而東北注之矣

又東過博陵縣南

漣水東北逕蠡吾縣故城南地理風俗志曰縣故
饒陽之下鄉者也自河間分屬博陵漢安帝永初
七年封河間王開子翼爲都鄉侯順帝永建五年
更爲侯國也又逕博陵縣故城南卽古陸城漢武
帝元朔二年封中山靖王子劉貞爲侯國者也地
理風俗記曰博陵縣史記蠡吾故縣矣漢質帝本
初元年繼孝冲爲帝追尊父翼陵曰博陵因以爲
縣又置郡焉漢未罷還安平晉太始年復爲郡今
謂是城爲野城漣水又東北逕侯世縣故南城謝云

水經注

卷十一

十九

疑作故城南

又東北逕陵陽亭東又北左會博水水出

望都縣東南流逕其縣故城南王莽更名曰順調
矣又東南潛入地下博水又東南於瀆重源湧發
東南逕三梁亭南疑卽古勺梁也竹書紀年曰燕
人伐趙圍濁鹿趙靈王及代人救濁鹿敗燕師于
勺梁者也古本作勺燕師于敗燕師于勺吳瑄于勺改作勺而竹書是也但云今

廣昌東嶺之東有山俗名之曰濁鹿羅地地

羅地

地字有脫

不遠土勢相隣以此推之或近是矣所

未詳也博水又東南逕穀梁亭南又東逕陽城縣

鍾云每於小
景細事口角
回翔便覺無
限
朱云詩文用
方舟似濫觴
此疊舸字較
新

散為澤渚。渚水濯漲。謝水云宋本作方數里。匪直蒲

筍。是豐實。亦偏饒。菱藕至若。變童卬角。古本作少

字之弱年女子。子一作音或單舟採菱。或疊舸拆艾。

當作長歌陽春。愛深淥水。掇拾者不言疲謠詠者。

自。自下疑脫于時行旅過矚。亦有慰於羈望矣。世

謂之為陽城澱也。陽城縣故城近在西北。故陂得

其名焉。郡國志曰。蒲陰縣有陽城者也。今城在縣

東南三十里。其水又伏流循瀆。屆清梁亭西北。重

源又發博水。又東逕自隄亭南。又東逕廣望縣故

水經注 卷十一 二十

城北。漢武帝元朔二年。封中山靖王子劉忠為侯

國。又東合崛。古本溝。溝上承清梁陂。又北逕清源

城。東即將梁也。漢武帝元朔二年。封中山靖王子

劉朝平為侯國。其水東北入博水。博水又東北左

則濡水注之。水出蒲陰縣西昌安郭南。中山記曰

郭東有舜氏甘泉。有舜及二妃祠。稽諸子傳記無

聞。此處世代又。宋本又異說之來。於是乎在矣。

其水自源東逕。其縣故城南。枉渚迴湍。率多曲復。

亦謂之為曲逆水也。張晏曰。湍水於城北。曲而西

流是受此名故縣亦因水名而氏曲逆矣春秋左傳哀公四年齊國夏伐晉取曲逆是也漢高帝擊韓王信自代過曲逆上其城望室宇甚多曰壯哉吾行天下唯雒陽與是耳詔以封陳平爲曲逆侯王莽更名順平濡水又東與蘇水合水出縣西南近山東北流逕堯始亭南又東逕其縣入湍湍水又東得蒲水口水出西北蒲陽山西南流積水成淵東西一百步南北百餘步深而不測其水又東南流水側有古神祠世謂之爲百祠亦曰蒲上祠

水經注

卷十一

二十一

所未詳也又南逕安陽亭東晉書地道記曰蒲陰縣有安陽關蓋安陽關都尉治世俗名斯川爲安陽壙蒲水又東南歷壙逕安陽關下名關翠爲唐頭坂出關北流又東流逕夏屋故城實中嶮絕竹書紀年曰魏殷臣趙公孫哀伐燕還取夏屋城曲逆者也其城東側因河仍墉築一城世謂之寡婦城賈復從光武追銅馬五幡於北平所作也世俗音轉故有是名矣其水又東南流逕蒲陰縣故城北地理志曰城在蒲水之陰漢章帝章和二年行

巡北岳以曲逆名不善因山水之名改曰蒲陰焉

水右合魚水水出北平縣西南魚山山石善巨焉

水發其下疑魚山以誤故世俗以物色名川又東流

注于蒲水又東入濡故地理志曰蒲水蘇水並從

縣東入濡水又東北逕樂城南又東入博水自下

博水亦兼濡水通稱矣春秋昭公七年齊與燕會

于濡水杜預曰濡水出高易縣東北至河間鄭縣

宋本作鄭縣入易水是濡水與葦池滄易互舉通稱矣

地理志曰博水東至高陽入河博水又東北徐水

水經注

注之水西出廣昌縣東南大嶺下世謂之廣昌嶺

嶺高四十餘里二十里中委拆五廻方得達其上

嶺故嶺有五廻之名下望層山盛若蟻蛭實兼孤

山之稱亦峻嶮也謝云峻嶮疑作峻嶮徐水三源奇發齊瀉

一澗東流北轉逕東山下水西有御射碑徐水又

北流西屈逕南巖下水陰又有一碑徐水又隨山

南轉逕東巖下水際又有一碑凡此三銘皆翼對

層巖巖鄣深高壁立霞峙宋本石文云皇帝以太

延元年十二月卓駕東巡逕五廻之險途覽崇岸

□云□崕上
□一□字筆
□在此他本
□□若庸
□□為真
□矣

之竦峙乃停駕路側援弓而射之飛矢踰于巖山
刊石用讚元功夾碑並有層臺二所卽御射處也
碑陰皆列樹碑官名徐水屈東北逕郎山又屈逕
其山南岑山岑競舉若豎鳥翅立石嶄巖亦如劍
杪極地嶮之崇峭漢武之世戾太子以巫蠱出奔
其子遠遁斯山故世有郎山之名山內有郎山碑
事具文具一作事徐水又逕郎山君子中觸鋒將軍
廣南廟前有碑晉惠帝永康元年八月十四日壬
寅發詔錫君父子法祠其碑劉曜光初七年前穎

水經注

卷十一

二十三

丘太守郎宣北平太守陽平邑振等共修舊碑刻
石樹頌焉徐水又逕北平縣縣界有漢熹平四年
幽冀二州以伐子以代子境語有譌脫蓋是詔書遣

冀州從事王球幽州從事張昭郡縣分境立石標
界具揭石文矣徐水又東南流歷石門中世俗謂

之龍門也其山上合下開開處高六丈飛水歷其
間南出乘疑作崖傾澗泄注七丈有餘漭盪之音

奇爲壯猛觸石成井水深不測素波白激濤襄四
陸瞰之者驚神臨之者駭魄矣東南出山逕其城

禾云清水注
中有瀑布乘
巖之句俗人
改作垂于引
漢書淮南子
駁之兄此注
益信流俗之
可憎也

中有故碑是太白君碑郎山君之元子也其水又東流漢光武追銅馬五幡於北平破之順水北乘勝追北爲其所敗短兵相接光武自投崖下遇突騎王豐於是授馬進保范陽順水蓋徐州之別名也徐水又東逕蒲城北又東逕清苑城又東南與沈水出蒲西俗謂之泉頭水也地理志曰北平縣有沈水東入河卽是水也東逕其城又東南左入徐水地理志曰東至高陽入河今不能也徐水又東左合會曹水出西北水朔寧縣曹河澤東南流

水經注

卷十一

二十四

左合岐山之水水出岐山東逕邢安城北又東南入曹河曹水又東南逕北新城縣故城南河南又逕北新城故城北此王莽之朔寧縣也曹水又東入于徐水水又東南逕一故城北俗謂之祭過城所未詳也徐水又東流入博水地理志曰徐水出北平東至高陽入于博古本作河又東入滹地理志曰博水自望都東至高陽入于河孫云今曹河徐河唐諸水並合易

水經直沽入于海

又東北入于易

漣水又東北逕依城北世謂之依城河他說無依
城之名卽古葛城也郡國志曰高陽有葛城燕以
與趙者也漣水又東北逕阿陵縣故城東王莽之
阿陸也建武二年更封岸將軍任光爲侯國
左漣水東北至長城注于易水者也
岸本宋作

□□卷十一

水經注

卷十一

二十五